

摘藻堂四庫全書薈要

集部

欽定四庫全書薈要卷一萬九千七十六集部

御定佩文齋詠物詩選卷四百五十四

杜鵑類

五言律

子規

唐杜甫

峽裏雲安縣江樓翼瓦齊
兩邊山木合終日子規啼
眇眇春風見蕭蕭夜色淒
客愁那聽此故作傍人低

和周贊善聞子規

唐張籍

秦城啼楚鳥遠思更紛紛況是街西夜偏當雨裏聞應
投最高樹似隔數重雲此處誰能聽遙知獨有君

五言絕句

夜聞子規

唐王建

子規啼不歇到曉口應穿況是不眠夜聲聲在耳邊

聞子規

唐雍陶

百鳥有啼時子規聲不歇春寒四鄰靜獨叫三更月

七言絕句

送人歸岳陽

唐李益

煙草連天楓樹齊
岳陽歸路子規啼
春江萬里巴陵戍
落日看沈碧水西

汎舟入後谿

唐羊士諤

雨餘芳草淨沙塵
水綠灘平一帶春
惟有啼鴉似留客
桃花深處更無人

杏山館聽子規

唐竇常

楚塞餘春聽漸稀
斷猿今夕讓霑衣
雲羶老樹空山裏

髣髴千聲一度飛

湘江夜泛

唐
熊孺登

江流如箭月如弓行盡三湘數夜中
無那子規知向蜀一聲聲似怨春風

宿石磯

唐
元稹

石磯江水夜潺湲半夜江風引杜鵑
燈暗酒醒顛倒枕五更斜月入空船

酬樂天舟泊夜讀微之詩

元稹

知君暗泊西江岸，讀我閒詩欲到明。
今夜通州還不睡，滿山風雨杜鵑聲。

呂校書雨中見訪

唐趙嘏

竹閣斜谿小檻明，惟君來賞見山情。
馬嘶風雨又歸去，獨聽子規千萬聲。

聞杜鵑

唐雍陶

蜀客春城聞蜀鳥，思歸聲引未歸心。
却知夜夜愁相似，爾正啼時我正吟。

暮春送人

唐僧無悶

折柳亭邊手重攜
江煙澹澹草萋萋
杜鵑不解離人意
更向落花枝上啼

崇壽客舍夜聞子規得三絕句寫呈平父兄煩
為轉寄彥集兄及兩縣間諸親友錄一

宋朱子

空山後夜子規號
斗轉星移月尚高
夢裏不知歸未得
已驅黃犢度寒臯

夜聞子規

朱子

幽林欲雨氣含淒
春晚端居園徑迷
獨向高齋展衾卧
南山夜夜子規啼

鄰山縣

宋 范成大

山頂噓雲黑似煙
修篁高柳共昏然
鳥啼一夜勸歸去
誰道東川無杜鵑

過真陽峽

宋 楊萬里

仰見青天尺許青
無波江水不勝平
只驚白晝山竹裂

杜宇初聞第一聲

鄉邨四月

宋翁卷

綠遍山原白滿川
子規聲裏雨如煙
鄉邨四月閒人少
纔了蠶桑又插田

次韻陳君授暮春感懷

宋王庭珪

雨餘山鳥百般啼
煙隔桃谿一線微
南北東西春總好
杜鵑何苦勸人歸

谿橋晚興

宋鄭協

寂寞亭基野渡邊
春流平岸草芊芊
一川晚照人閒立
滿袖楊花聽杜鵑

春日雜興

宋 僧道潛

梅梢青子大於錢
慚媿春光又一年
亭午無人初破睡
杜鵑聲在柳花邊

暮春

元 黃庚

芳事闌珊三月時
春愁惟有落花知
柳綿飄白東風老
一樹斜陽叫子規

客中即事

元楊載

幾日懸懸雨不休
客窗孤迥使人愁
杜鵑啼切知何處
坐對雲山萬木稠

得樟樹鎮便寄家書

元范梈

商船夜說指江西
欲託音書未忍題
收拾鄉心都在紙
兩聲杜宇傍人啼

春暮

元葉顥

老紅新綠駐煙波
無奈青皇促駕何
又是一年春事了

杜鵑聲裏夕陽多

已未夏日雜興

元僧善住

纖纖碧草與階齊
濃綠陰中杜宇啼
花院晝長聽正好
帶聲飛過粉牆西

江上

明汪廣洋

大山小山松樹齊
千聲萬聲子規啼
攬衣起舞夕露下
三更月落吳城西

山中冬日偶題

明紀青

鎮日無人閉竹扉
階前寒翠上人衣
開門修竹青如束
黃葉風前叫子規

御定佩文齋詠物詩選卷四百五十四

欽定四庫全書薈要卷一萬九千七十七

集部

御定佩文齋詠物詩選卷四百五十五

鷓鴣類

伯勞同

五言古

鷓鴣吟

唐
劉禹錫

朝陽有鳴鳳不聞千萬祀
鷓鴣催衆芳晨光先入耳
秋風白露稀從是爾啼時
如何上春日唧唧滿庭飛

七言絕句

即事寄人

唐 楊凌

中禁鳴鐘日欲高
北窗欹枕首頻搔
相思寂寞青苔合
惟有春風啼伯勞

湘中謠

唐 崔塗

煙愁雨細雲冥冥
杜蘭香老三湘清
故山望斷不知處
鷓鴣隔花時一聲

水口行舟

宋 朱子

鬱鬱層巒夾岸青
春山綠水去無聲
煙波一棹知何許

鷓鴣兩山相對鳴

燕京暮春歌

明
靳學顏

三月楊花滿御溝
可憐春色亦東流
行人不用多惆悵
鷓鴣年年喚白頭

御定佩文齋詠物詩選卷四百五十五

欽定四庫全書薈要卷一萬九千七十八集部

御定佩文齋詠物詩選卷四百五十六

白頭公類

七言古

白頭公詞

元陳基

杜陵三月春風煖燕語鶯啼雜絃管落花撩亂紫騮嘶
平樂歸來酒尊滿雨急風篁忽已秋幽鳥多情亦白頭
不隨翡翠枝頭宿却愛鴛鴦水上游春去秋來不知老

安樂即多憂患少綺窗深處語言奇付與紛紛秦吉了

五言絕句

題畫白頭雙鳥

元貢性之

笑殺錦鴛鴦浮沈浴大江不如枝上鳥頭白也成雙

七言絕句

子昂畫

元虞集

棠梨枝上白頭翁墨色如新最惱公直似故園花石外
銅盤和露寫東風

梨花白頭翁圖為四明應成立題

元納新

淡月溶溶隔畫樓一枝香雪近簾鉤
山禽似怨春歸早
獨立花間自白頭

雪竹白頭翁橫披

元宋聚

琅玕裊裊碧雲空雪綴斜梢倚北風
丹鳳不來年歲晚
一枝聊借白頭翁

花上白頭翁

明王紱

欲訴芳心未肯休不知春色去難留東君亦是無情物
莫向花間怨白頭

題海棠白頭翁便面次韻

明 錢 洪

山禽原不解春愁誰道東風雪滿頭
遲日滿欄花欲睡雙雙細語未曾休

白頭公圖

明 沈 周

十日紅簾不上鉤雨聲滴碎管絃樓
梨花將老春將去愁白雙禽一夜頭

御定佩文齋詠物詩選卷四百五十六

欽定四庫全書薈要卷一萬九千七十九

集部

御定佩文齋詠物詩選卷四百五十七

白鳥類

五言律

送陳偃賦得白鳥翔翠微

唐

朱灣

不知鷗與鶴天畔弄晴暉
背日分明見臨川相映微
淨中雲一點迴處雪孤飛
正好高枝立翩翩何處歸

五言絕句

登白樓見白鳥席上命鷓鴣辭

唐
李益

一鳥如霜雪飛向白樓前問君何以至天子太平年

七言絕句

河梁晚望

唐
僧子蘭

水勢滔滔不可量漁舟容易泛滄浪連山翠靄籠沙渚
白鳥翩翩下夕陽

青田同七五兄作

宋
薛季宣

烏雲送雨過前山
白鳥將雛向遠灣
獨立谿亭無箇事
湍流瀧石鎮潺潺

御定佩文齋詠物詩選卷四百五十七

欽定四庫全書薈要卷一萬九千八十

集部

御定佩文齋詠物詩選卷四百五十八

翠鳥類

五言古

翠鳥

漢
蔡邕

庭陬有若榴綠葉含丹榮翠鳥時來集振翼修容形回
顧生碧色動搖揚縹青幸脫虞人機得親君子庭馴心
託君素雌雄保百齡

翡翠

宋文同

清晨有珍禽翩翩下魚梁其形不盈握毛羽鮮且光天
人裁碧霞為爾縫衣裳晶熒眩我目非世之青黃愛之
坐良久常恐瞥爾翔忽然投清漪覓食如針鉋如是者
三四厭飫已一朒既飽且自嬉翻身度回塘飛鳴逐佳
匹相和音琅琅是時鳬與雁狼藉島嶼旁滿腹釀腥穢
紛紛曬晴陽鶯鶯最麤惡觜大脚脰長入水捕蛇鰻於
泥亦銜將想其見爾時一喙亦爾傷其心肯謂爾被體

凝華章勸爾慎所止好醜誰同鄉清谿多纖鮮亦足充
爾腸江海深且闊所獲未可量爾當事澡刷帝園參鸞
凰

東谷書所見

文同

野水瀉古穴石岸盤回淵飛塵不可入竹樹圍清連靜
往得勝翫深居逃俗緣寒光照煩襟景寂心自圓枯篁
蹲碧禽垂頸窺沈鮮對之不敢動相望兩俱禪

七言古

翡翠塢

唐

李紳

翡翠飛飛繞蓮塢一啄嘉魚一鳴舞蓮莖觸散蓮葉欹
露滴珠光似還浦虞人掠水輕浮弋翡翠驚飛飛不息
直上層空翠影高還向雲間雙比翼彈射莫及弋不得
日暮虞人空歎息

拾羽曲

宋

文同

新羅研紅裙襪齊綵縷刺衫花倒提新晴暖日麗煙草
金獸齧鎖藏春閨朱橋逼江曉沙白錦帶交風大堤側

蘭洲遺翎得殘碧歸來驚飛上嬌額

七言律

翡翠巢

元

楊維禎

羅浮花使先春到來傍玉樓深處巢舞雪豔翻楊柳絮
歌雲輕壓海棠梢屏開時露鴉頭襪絃斷應銜鳳觜膠
却笑雪衣娘太劣雕籠深鎖未全教

五言絕句

絕句

唐

杜甫

日出籬東水雲生舍北泥竹高鳴翡翠沙僻舞鷗雞

銜魚翠鳥

唐

錢起

有意蓮葉間瞥然下高樹擘皮得潛魚一點翠光去

魚池

宋

文同

積水自淵淵來源常汨汨岸上翠衣禽對人時一沒

六言絕句

翡翠

宋

文同

見說長喙須避得少纖鱗便飛為報休來近岸有人愛

汝毛衣

七言絕句

翠碧鳥

唐
陸龜蒙

紅襟翠翰兩參差
徑拂煙華上細枝
春水漸生魚易得
莫辭風雨坐多時

翠碧鳥

唐
韓偓

天長水遠網羅稀
保得重重翠碧衣
挾彈小兒多害物
勸君莫近五陵飛

翡翠

唐
僧齊己


水邊飛去青難辨
竹裏歸來色一般
磨吻鷹鷂莫相害
白鷗鴻雁滿沙灘

懷友

明
張弼

花渺渺送春歸
忽漫鈎簾對夕暉
竹下小池雙翡翠
銜魚飛過綠苔磯

御定佩文齋詠物詩選卷四百五十八



總校官庶吉士臣侍朝

校對官檢討臣王坦修

謄錄監生臣王錫壽

謄錄監生臣王肯勵

欽定四庫全書薈要

集部

御定詠物詩選卷四百

五十九至
六十七

詳校官原任主事_臣李斯咏

欽定四庫全書薈要卷一萬九千八十一

集部

御定佩文齋詠物詩選卷四百五十九

鷓鴣類



五言古

武陵精舍

明岳岱

白石何累累流水亦復急
茅茨對夕暉敝筍待鮮食
曬翅滿魚梁鷓鴣與灘鵝

五言絕句

鷓鴣堰

唐

王維

乍向紅蓮沒復出青蒲
颺獨立何襜褕銜魚古
查上

七言絕句

春水生

唐

杜甫

二月六夜春水生門前
小灘渾欲平鷓鴣灘
鵝莫漫喜

吾與汝曹俱眼明

絕句

杜甫

門外鷓鴣去不來沙頭
忽見眼相猜自今已
後知人意

一日須來一百迴

鷓鴣

唐

杜荀鶴

一般毛羽結羣飛
雨岸烟汀好景時
深水有魚銜得出
看來却是鷺鷥饑

過寶應新開河

宋

楊萬里

雨裏樓船即釣磯
碧雲便是綠蓑衣
滄波萬頃平如鏡
一隻鷓鴣貼水飛

柳塘春口占

元

顧瑛

二月看看已過半春風尚爾不放晴楊柳長堤飛鳥過
鷓鴣新水沒灘平

田家即事

明

唐時升

橫塘潮急進船遲菱荇纏綿罾釣絲荷葉覆魚先入市
青楓渡口曬鷓鴣

寶泉灘即事

明

李淑媛

桃花高浪幾尺許銀石沒項不知處兩兩鷓鴣失舊磯
銜魚飛入菰蒲去

御定佩文齋詠物詩選卷四百五十九

欽定四庫全書薈要卷一萬九千八十二 集部

御定佩文齋詠物詩選卷四百六十

鵲鵲類

五言律

應制題畫鵲鵲

明

于慎行

渺彼榆枋翼丹青畫作真靜眠宮草日閒傍苑花春顧
影驕金距逢場上錦茵非同珠樹鳥獨用羽毛珍

七言絕句

雪岸鳴鵲

金

元好問

離離殘雪點荒叢更著幽禽慘澹中
笑煞畫簾雙燕子
秋千紅索海棠風

輦下曲

下

張昱

鬪鶻初罷草初黃錦袋牙牌日自將
鬧市閤坊尋搭對
紅塵走煞少年狂

元宮詞

明

朱有燬

金風苑樹日光晨
內侍鷹坊出入頻
遇著中秋時節近

剪絨花毯關鵲

御定佩文齋詠物詩選卷四百六十

欽定四庫全書薈要卷一萬九千八十一集部

御定佩文齋詠物詩選卷四百六十一

天鷲類

七言絕句

湖州歌

宋

汪元量

夜來酒醒四更過
漸覺衾裯冷氣多
踏雪敲門雙勅使
傳言太子送天鷲

宮詞

元

楊維禎

雞人報曉五門開
鹵簿千官泊虎臺
天上駕鸞先有信
九重鑾駕上都回

御定佩文齋詠物詩選卷四百六十一

欽定四庫全書薈要卷一萬九千八十四 集部

定佩文齋詠物詩選卷四百六十二

鳧類

五言古

詠單鳧

梁簡文帝

銜苔入淺水刷羽向沙洲孤飛本欲去得影更淹留

詠寒鳧

簡文帝

迴水浮輕浪沙場弄羽衣眇眇隨山沒離離傍海飛

賦得汎汎水中鳧

陳江總

歸鳧沸卉同亂下芳塘中出沒時銜藻飛鳴忽颺風浮
深或不息戲廣若乘空春鸚徒有賦還笑在金籠

七言古

白鳧行

唐杜甫

君不見黃鵠高於五尺童化為白鳧似老翁故畦遺穗
已蕩盡天寒歲暮波濤中鱗介腥羶素不食終日忍饑
西復東魯門鷄鵠亦蹭蹬聞道於今猶避風

題惠崇畫秋江鳬雁

宋

王庭珪

老崇學畫如學禪中年悟入理或然長江未落鳬雁下
舒卷忽若無丹鉛定自維摩三昧裏半幅生綃開萬里
不用并州快剪刀斷取鐵圍山下水

柳塘野鴨

元

虞集

江南水退秋光淺風柳參差萬絲捲鴛鴦在梁鳬在渚
蕩蕩扁舟去家遠千艘轉海古長策白粲連江動秋色
斷蒲折葦野水闊爛爛明星且將弋翠盤擎露夜深寒

玉色亭亭落月殘太液池頭黃鵠下夢中曾見畫中看

五言律

詠鳧

唐

李嶠

颯沓睢陽涖浮遊漢水隈錢飛出井見鶴引入琴哀李
陵賦詩罷王喬曳舄來何當歸太液翔集動成雷

翠漪堂

宋

文同

湖水碧溶溶寒漪四望通龜魚遊浩渺鳧驚下虛空爽
氣吟窗外清光釣艇中一襟時自快多謝北窗風

七言律

池上雙鳬

唐
吳融

碧池悠漾小鳬雛，兩兩依依祇自娛。
釣艇忽移還散去，寒鴟有意即相呼。
可憐翡翠歸雲髻，莫羨鴛鴦入畫圖。
幸是羽毛無取處，一生安穩老菰蒲。

其二

雙鳬狎得傍池臺，戲藻銜蒲遠又回。
敢為稻梁凌險去，幸無鷹隼觸波來。
萬絲春雨眠時亂，一片濃萍浴處開。

不在籠欄夜仍好月汀星沼剩徘徊

詠鳬

宋文同

雙雙紋羽弄清漪全得天真似爾稀萬頃滄波供口腹
一梁寒日曬毛衣雨歸別島嘔唳語風度前灘翕呷飛
好向中流最深處等閒休上釣魚磯

五言絕句

野鴨

唐李羣玉

鷗鷖借毛衣喧呼鴈隼稀雲披菱藻地任汝作羣飛

東飛鳬

唐

陸龜蒙

裁得尺錦書欲寄東飛鳬
脰短翅亦短雌雄戀菰蒲

池上雙鳬

唐

薛濤

雙棲綠池上朝去暮飛還
更憶將雛日同心蓮葉間

方湖

宋

文同

風交蒲葦亂煙斷鳬驚飛
日暮一笛起扁舟隨釣歸

冰池

文同

日暮池已冰翩翩下鳬驚
不怕池中寒便於冰上宿

寒蘆港

文同

落月照冰湖曉起何太爽兩岸雪煙昏鳬鷗出深港

柴門

明
鄭善夫

涼月光不了照我芳桂叢白鳬如人長來往柴門東

七言絕句

漫興

唐
杜甫

糝徑揚花鋪白氈點溪荷葉疊青錢筍根稚子無人見
沙上鳬雛傍母眠

發青山館

唐趙嘏

鳬鷺聲暖野塘春
鞍馬風高驛路塵
一宿青山又前去
古來難得是閒人

天漢橋

宋文同

風吹兩岸菰蒲乾
日曬一汀鳬鷺寒
夜深霜月照湖水
須上此橋憑畫欄

晚登淨遠亭

宋楊萬里

簿書纔了晚衙催
且上高亭眼暫開
野鴨成羣忽驚起

定知城背有船來

登淨遠亭

楊萬里

池冰愛日未全開
旋旋波痕百皺來
野鴨被人驚得慣
作羣飛去却飛回

望瀛臺春望

金邊元勲

晴雲如困柳如癡
丹杏開殘碧草齊
一派望瀛臺下水
暖風遲日浴鳬鷺

漁莊欵乃歌

元顧瑛

返照移晴入綺窗
芙蓉楊柳滿秋江
漁童欵乃蕩舟去
驚起錦鳬飛一雙

凍鳬

元
貢性之

江天歲晚景淒淒
雲脚低垂望欲迷
水鳥畏寒飛不起
黃蘆枝上並頭棲

梨花睡鴨圖

明
顧觀

昔年家住太湖西
常過吳興罨畫谿
水閣筠簾春似海
梨花影裏睡鳬鷺

春日懷江上

明 高 啟

新蒲正綠乳鳬鳴
水沒魚梁宿雨晴
看近清明沈種日
野人何事不歸耕

江上晚歸

高 啟

渺渺雙鳬落晚沙
一江秋色豔明霞
逢人不用停舟問
大樹邨中即我家

巴人竹枝歌

明 王廷相

野鴨啞啞一隻飛
飛到儂池不肯歸
莫共鴛鴦鬪毛羽

鴛鴦情性世間稀

御定佩文齋詠物詩選卷四百六十二

欽定四庫全書薈要卷一萬九千八十五

集部

御定佩文齋詠物詩選卷四百六十三

竹雞類

泥滑滑同

長短句

禽言

宋

朱子

泥滑滑泥滑滑秦望雲荒鏡湖闊綠秧刺水水拍堤牙
旗畫舸凌風發使君行樂三江頭泥滑水深君莫憂

五言絕句

泥滑滑

宋 文同

春日正清明滿園花盛發勸爾竹木雞莫啼泥滑滑

七言絕句

絕句

宋 范成大

晴光先從喜鵲知斜陽一抹照天西竹雞何物能無賴
如許泥深更苦啼

天台道上早行

宋 戴昺

篋輿軋軋過清谿谿上梅花壓水低月影漸收天半曉

兩山相對竹雞啼

雪霽

金馬定國

高巖旭日吐深蘋
雪霽樓臺白玉京
獨往南塘探春色
琵琶花下竹雞鳴

竹枝詞

元丁鶴年

竹雞啼處一聲聲
山雨來時郎欲行
蜀天恰似離人眼
十日都無一日晴

入垓口

明程慶琉

沙明水碧淨無泥三百灘盤上歛谿兩岸青山春欲暮
棟花飛盡竹雞啼

府江雜詩

明
謝少南

落日官軍舉號齊
凋戈畫盾障山蹊
不嫌銅斗通宵擊
却厭斑雞半嶺啼

寄洪時齋

明
僧德祥

草上東風柳上煙
谿頭三日嫩晴天
竹雞叫斷春泥滑
閒與梅花說舊年

--	--	--	--	--	--	--	--

御定佩文齋詠物詩選卷四百六十三

欽定四庫全書薈要卷一萬九千八十六

集部

御定佩文齋詠物詩選卷四百六十四

鷺類

五言古

附長短句

詠鷺

唐駱賓王

鷺鷥鷺曲項向天歌
白毛浮綠水紅掌撥清波

道州北池放鷺

唐呂溫

我非好鷺癖爾之鳴雁
資安得免沸鼎澹然游清池見

生不忍食深情固在斯能自遠飛去無念稻粱為

滕昌祐懷香睡鵲圖

元虞集

蒼鶯惜毛羽宛宛卧春雨雨餘日照沙上有懷香花懷
香不自獻夢到金鑾殿殿池多躍魚君王方草書

七言古

趙大年鵲圖

元楊維禎

鏡湖湖上春波明灣碕樹樹鵲黃青上有金衣弄黃舌
下有紅掌浮繡翎春鋤一白能自好尚嫌性帶鷗鷁腥

眼明見此羣鸛鵲不與匹鳥爭春晴大年筆法如蘭亭
宛頸箇箇由天成艮宮流落二百載賈人不厭千金爭
却恨會稽內史無此筆為人辛苦書黃庭

五言律

舟前小鸛兒

唐
杜甫

鸛兒黃似酒對酒愛新鸛引頸嗔船逼無行亂眼多翅
開遭宿雨力小困滄波客散層城暮狐狸奈若何

黃尊師高軒觀鸛因畱宿

元
揭傒斯

開軒南嶽下世事未曾聞
落葉常疑雨方池半是雲
偶尋騎鶴侶來此看鷺羣
一夜潺湲裏秋光得細分

與客夜登開利寺觀鷺亭

明

王問

野寺寒雲外猶傳晉永和
逢君非有約踏月偶相遇
廢沼水稜淺荒亭霜氣多
懷思倚闌者書罷獨籠鷺

七言絕句

送賀賓客歸越

唐

李白

鏡湖流水漾清波狂客歸舟逸興多
山陰道士如相見

應寫黃庭換白鷺

得房公池鷺

唐杜甫

房相西亭鷺一羣眠沙泛浦白於雲
鳳凰池上應迴首
為報籠隨王右軍

題鷺

唐李商隱

眠沙卧水自成羣
曲岸殘陽極浦雲
那解將心憐孔雀
羈雌長共故雄分

深院

唐韓偓

鶯兒啞哢梳黃紫鳳子輕盈膩粉腰深院下簾人晝寢
紅薔薇映碧芭蕉

同樂園

金趙秉文

石作垣牆竹映門水迴山複幾桃源毛飄水面知鶯柵
角出牆頭認鹿園

閒閒公為上清宮道士寫經并以所養鶯鵲付
之諸公有詩某亦同作

元楊雲翼

會稽筆法老無塵今代閒閒是後身只有愛鶯緣已盡

舉羣還付向來人

春寒

元方回

燈節蕭條雷後雪花天料峭雨餘霜經旬不出無情緒
恰見鶯兒似酒黃

訪張道士題壁

明袁凱

道士門前春日溫千重碧草睡鶯羣山風忽送桃花雨
濕徧牀頭白練裙

過北塘

明高啟

春水滿田如一湖入田放艇看鶯雛女郎祠下野花雜
老子門前沙樹孤

夜至陽城田家

高啟

東津渡頭初月輝南陵寺裏遠鐘微主人入夜門未掩
蒲響滿塘鶯鴨歸

觀書偶成

明史鑑

竹深門閉亂藤垂隱几觀書欲倦時長嘯不知風起處
槐花吹落戲鶯池

御定佩文齋詠物詩選卷四百六十四

欽定四庫全書薈要卷一萬九千八十七 集部

御定佩文齋詠物詩選卷四百六十五

鴨類

五言古

鴨雛

宋
梅堯臣

春鴨日浮波羽冷難伏卵常因雞抱時託以雞窩暖三
旬穀既圻乳毛寒脰短雞寧辨其雛翅擁情款款一日
向水涯所稟殊未斷汎然去中流雞呼心寔寔人之苟

異懷負義不足算有志在養育勿論報德限

鬪鴨篇

明高啟

春波漾羣鳬戲鬪每堪翫宛轉迴翠吭襍褊振文翰聲
兼江雨喧影逐浦雲亂唼喋隊初交紛披勢將散持敵
忽同沈呼儔更相喚時陳水檻側或聚湖亭畔長鳴若
賈勇遠奮如追竄荷葉觸俱翻菱絲罥齊斷魚駭沒中
流鷗驚起前岸心踰壘雉驕氣壓塲雞悍海客朝自驅
谿娃晚猶看稍欲礙行舟渾忘避流彈苦爭應為食幸

勝非因算微鳥昧全軀臨川獨成歎

長短句

射鴨詞

明
高啟

射鴨去清江曙射鴨返迴塘晚秋菱葉爛煙雨晴鴨羣
未下媒先鳴草翳低遮竹弓穀水冷田空鴨多瘦行舟
莫來使鴨驚得食忘猜正相鬪觜啞啞毛襍襍潛機一
發那得知

五言律

花鴨

唐 杜甫

花鴨無泥滓階前每緩行羽毛知獨立黑白太分明不
覺羣心妬休牽衆眼驚稻粱霑汝在作意莫先鳴

五言絕句

畫鴨

元 揭傒斯

春草細還生春雛養漸成茸茸毛色起應解自呼名

六言絕句

宮中三臺詞

唐 王建

魚藻池邊射鴨芙蓉苑裏看花日色柝袍相似不著紅
鸞扇遮

靜觀

宋
文同

十許紋魚遊水一雙花鴨眠沙靜觀只恐驚去無語憑
欄日斜

七言絕句

小鴨

宋
黃庭堅

小鴨看從筆下生幻法生機全得妙自知力小畏滄波

睡起晴沙依晚照

春日

宋
晁冲之

陰陰谿曲綠交加
小雨翻萍上淺沙
春色不堪流水送
雙浮鳴鴨趁桃花

晚春田園雜興

宋
范成大

烏鳥投林過客稀
前山烟暝到柴扉
小童一棹舟如
葉獨自編欄鴨陣歸

夏日田園雜興

范成大

千頃芙蕖放棹嬉花深迷路晚忘歸家人暗識船行處
時有驚忙小鴨飛

茶陵竹枝歌

明

李東陽

拍拍東風燕子寒卷簾花絮若為看夜深雨腳何曾睡
春水平於養鴨欄

白苧詞

明

孫一元

江上睡鴨煙草肥江南白苧催換衣雨聲四月不知暑
過盡櫻桃人未歸

御定佩文齋詠物詩選卷四百六十五

欽定四庫全書薈要卷一萬九千八十八 集部

御定佩文齋詠物詩選卷四百六十六

雞類

五言古

鬪雞篇

魏
曹植

遊目極妙伎清聽厭宮商主人寂無為衆賓進樂方長
筵坐戲客鬪雞觀間房羣雄正翕赫雙翅自飛揚揮羽
激清風悍目發朱光觜落輕毛散嚴距往往傷長鳴入

青雲扇翼獨翱翔願蒙狸膏助常得擅此場

鬪雞

魏
劉楨

丹雞被華采雙距如鋒鋌願一揚炎威會戰此中唐利
爪探玉除瞋目含火光長翹驚風起勁翮正敷張輕舉
奮鈎喙電擊復還翔

鬪雞

梁
簡文帝

歡樂良無已東郊春可遊百花非一色新田多異流龍
尾橫津漢車箱起戍樓玉冠初警敵芥羽忽猜儔十日

驕既滿九勝勢恒道脫使田饒見堪能說魯侯

鬪雞

陳徐陵

季子聊為戲陳王欲騁才花冠已衝力芥爪復驚媒鬪
鳳羞衣錦雙鸞恥鏡臺陳倉若有信為覓寶雞來

鬪雞東郊道

陳褚玠

東郊鬪雞侶捧敵兩逢迎詭羣排袖出帶勇向塲驚錦
毛侵距散芥羽雜塵生還同戰勝罷耿介寄前鳴

看鬪雞

北周王褒

蹀躞始橫行意氣欲相傾
妬敵金芒起猜羣芥粉生
入塲疑挑戰逐退似追兵
誰知函谷下人去獨開城

鬪雞

北周庾信

開軒望平子驟馬看陳王
狸膏熏鬪敵芥粉塲春解
翅蓮花動猜羣錦臆張

雞鳴篇

隋岑德潤

鐘響響應繁霜晨雞錦臆張
簾迴猶侵露枝高已暎光
排空下朝揭奮翼上花塲
雨晦思君子關開脫孟嘗
既得

依雲外安用集陳倉

鬪雞聯句

同孟郊

唐韓愈

大雞昂然來小雞竦而待愈崢嶸顛盛氣洗刷疑鮮彩

郊高行若矜豪側睨如伺殆愈精光目相射劍戟心獨

在郊既取冠為胄復以距為鏃天時得清寒地利挾爽

塏愈磔毛各噤瘁怒癭爭礧磊我膚忽爾低植立瞥而

改郊膈膊戰聲喧繽紛落羽矰中休事未決小挫勢益

倍愈妬腸務生敵賊性專相醢裂血失鳴聲啄殷甚飢

餒郊對起何急驚隨旋誠巧給毒手飽李陽神槌困朱

亥愈側心我以仁碎首爾何罪獨勝事有然傍驚汗流

浼郊知雄欣動顏怯負愁看賄爭觀雲填道助叫波翻

海愈事爪深難解嗔晴時未急一噴一醒然再接再礪

乃郊頭垂碎丹砂翼塌拖錦綵連軒尚賈餘清厲比歸

凱愈選俊感收毛受恩慚始隗英心甘鬪死義肉恥庖

宰君看鬪雞篇短韻有可採郊

七言古 附長短句

雞鳴篇

梁簡文帝

時雞識將曙長鳴高樹顛啄葉疑障羽排花強欲前意
氣多驚舉飄揚獨無侶陳思助鬪協狸膏邱昭妬敵安
金距丹山可愛有鳳凰金門飛舞有鴛鴦何如五德美
豈勝千里翔

雞鳴歌

隋闕名

東方欲明星爛爛汝南晨雞登壇喚曲終漏盡嚴具陳
月沒星稀天下旦千門萬戶遞魚鑰宮中城上飛烏鵲

縛雞行

唐 杜甫

小奴縛雞向市賣雞被縛急相喧爭家中厭雞食蟲蟻
不知雞賣還遭烹蟲雞於人何厚薄吾叱奴人解其縛
雞蟲得失無了時注目寒江倚山閣

雞鳴曲

唐 陳陶

雞聲春曉上林中一聲驚落蝦蟇宮二聲喚破枕邊夢
三聲行人煙海紅平旦慵將百雛語蓬鬆錦繡當陽處
愧君飲食長相呼為君晝鳴下高樹

仙雞詩

金元德明

老雄健鬪誇擅塲韓郎抱歸神色傷豈知黠兒出傲幸
毒手一發不得防毳衣散灑尚可養利觜一哆何由張
青囊道人何許來自言救藥我有方垂髯喫水濯殘血
半喙隨手生新黃筠籠半開聞腦膊草冠已往徒驚忙
神仙世有寧虛荒惜哉詭激不可量世人鷙勇天且剿
況於物也資強梁敷榮枯拚變金石未若與世鍼膏肓
何須變化示狡獪知君辨作淮南王蓬萊東望雲茫茫

愛而不見心為狂刀圭不願換凡骨且欲共醉無何鄉

鬪雞行

元
楊維禎

兩雄勇銳誇匹敵老距當場利如戟
毳毳毳綬刺張怒咽礪瞋睛碧劍心一動碎花冠
口血相污膠綵翼何當罷鬪作啼聲
埭上梨花春露滴

雞鳴歌

明
高啟

北斗城頭北斗低萬家夢破一聲雞
馬蹄踏踏車轆轤關下連趨市中逐雄雞
安得噤爾聲利名少息世上爭

漫漫夜長人不驚

錢舜舉畫花石子母雞圖

明王淮

落紅香散東風軟
靈巖絡翠苔紋淺
閒庭晝永日當空
花影團團移未轉
兩雞不識春意佳
棲遲也傍庭前花
父雞昂然氣雄壯
獨立峯巔發高唱
母雞喈喈領七雛
且行且逐鳴相呼
兩雛依依挾母腋
母力已勞兒自得
兩雛啾啾趨母前
有如嬌兒聽母言
兩雛唧唧隨母後
呼之不前不停口
一雛引首接母蟲
兒腹已飽母腹空

嗟爾愛雛乃如此不知爾雛何報爾錢翁摹此悅生意
我獨觀之暗流涕劬勞難報慈母恩漂泊江湖復何濟
展圖三歎重摩挲雛乎雛乎奈爾何

雞鳴歌

明

僧道衍

金壺漏殘霜滿屋雞鳴喈喈烏尚宿征夫才起促行裝
馬為駕鞍車整轂雞罷俄聞鼓角悲別婦出門雙淚垂
婦牽夫袂話歸日願學雞鳴不失時

五言律

詠雞

唐 杜甫

紀德名標五
初鳴度必三
殊方聽有異
失次曉無慚
問俗人情似
充庖爾輩堪
氣交亭育際
巫峽漏司南

雞

唐 徐夔

名參十二屬
花入羽毛深
守信催朝日
能鳴送曉陰
裁冠裝瑞璧
利爪削黃金
徒有稻粱感
何由報德音

五言排律

詠寒食鬪雞應秦王教

唐 杜淹

寒食東郊道揚鞦競出籠花冠初照日芥羽正生風顧
敵知心勇先鳴覺氣雄長翹頻掃陣利爪屢通中飛毛
遍綠野灑血漬芳叢雖然百戰勝會是不論功

七言律

晨雞

唐劉兼

朱冠金距綵毛身味爽高聲已報晨作瑞莫慚先貢楚
擅場須信獨推秦淮南也伴升仙犬函谷曾容借曉人
此日卑棲隨飲啄宰君驅我亦相馴

五言絕句

聞雞贈主人

唐李益

嘒嘒司晨鳴報爾東方旭無事戀君軒
今君重見鵲

早行遇雪

唐石召

荒郊昨夜雪羸馬又須行四顧無人跡
雞鳴第一聲

近詩

唐
吳鉞金

舞鏡爭鸞綵臨場定鵲拳正思仙仗日
翹首御樓前

其二

養鬪形如木迎春質似泥信如風雨在何憚迹卑棲

其三

為脫田文難常懷紀消恩欲知疎野態霜曉叫荒邨

早行

宋
劉子翬

邨雞已報晨曉月漸無色行人馬上去殘燈照空驛

飲酒西巖

金
蔡松年

雞羣媚稻梁老鶴日疎野人言隨其流故有不同者

金雞山

元
貢師泰

巨靈劈山石飛出黃金雞至今山下人猶聽雲中啼

雜興

元周權

寒童引羸驂路入蒼巘去深處有人家雞鳴白雲樹

馬氏東軒

明高啟

陽和受最多爽氣看應少晞髮此窗前雞鳴海天曉

途中

明陸深

曉行不知程夢醒聞細浪曙月逐雞聲棹歌來枕上

六言絕句

曉枕

宋 范成大

煮湯聽成萬籟添
被知是五更陸續滿
城鐘動須臾後
巷雞鳴

七言絕句

賦得雞

唐 李商隱

稻粱猶足活諸雛
妬敵專場好自娛
可要五更驚穩夢
不辭風雪為陽烏

仙人詞

唐 陳陶

赤城門開六丁直曉日已燒東海色朝天半路聞玉雞
星斗離離礙龍翼

雞鳴曲

唐汪遵

金距花冠傍舍棲清晨相叫一聲齊開關自有馮生計
不必天明待汝啼

雞

唐崔道融

買得晨雞共雞語常時不用等閒鳴深山月黑風雨夜
欲近曉天啼一聲

僧爽白雞

宋蘇軾

斷尾雄雞本畏烹年來聽法伴修行還須却置蓮花漏
老怯風霜恐不鳴

太湖泚檝西原道即事

宋程俱

司空山頭朝出雲西源渡口十里陰煙中雞唱未及午
白雨作泥泥已深

武夷棹歌

宋朱子

四曲東西兩石巖巖花垂露碧璫參金雞叫罷無人見

月滿空山水滿潭

和籌堂途中即事

金李俊民

晚風吹雨過山堂燈火秋涼好對牀
却被荒雞笑人懶一聲催起著鞭忙

和黃景杜雪中即事

元趙孟頫

雪寒淒切透書帷極目南雲入望低
欲報平安無過雁忽驚殘夢有鳴雞

登師山

元鄭玉

城上鐘聲度遠谿扶桑破曙海雲低披衣欲起還欹枕
山下晨雞四面啼

小遊仙

元
楊維禎

東逾弱水赤流深夜得桃都息羽旌地底日迴天上去
金雞如鳳自交鳴

郊行

明
莊景

凌兢瘦馬踏春泥雪後郊原綠未齊一抹午煙風隔斷
野雞聲在竹林西

題畫

明 沈 周

水次人家似瀼西
參差竹樹路俱迷
谿翁兀兀不出戶
日午飯香雞正啼

贈致政司諫劉後峯

明 李開先

人散燈殘睡正濃
驚迴曉夢思重重
攬衣敲枕從容聽
野店雞聲野寺鐘

雞

明 俞允文

月落空營舊壘低
寒風獵獵大荒西
驚魂易斷江南夢

惱煞重城未曉啼

宿太華山寺

明
張佳穎

石牀橫架萬峯西
海上雙珠入戶低
自是山中無玉漏
朝霞還有碧雞啼

鬪雞圖

明
周天球

英年曾入鬪雞場
金距狸膏事已荒
惟有雄心忘未得
披圖猶自問低昂

田家即事

明
唐時升

新城燕麥欲相扶
風急高楊落乳烏
社酒醒來人寂寂
紫桐花下數雞雛

柳上嘲吳疑父

明 范 汭

林臯葉脫風淒淒
遠峯森立寒雲齊
滿船離思半江月
未到五更雞亂啼

御定佩文齋詠物詩選卷四百六十六

欽定四庫全書薈要卷一萬九千八十九集部

御定佩文齋詠物詩選卷四百六十七

雜鳥類

四言古

大鵬贊

晉阮修

蹯蹯大鵬誕自北溟假精靈鱗神化以生如雲之翼如山之形海運水擊扶搖上征

比翼鳥贊

晉郭璞

鳥有鵲鵲似鳬青赤雖云一質氣同體隔延頸離鳴翻
能合翻

五言古

五色雀

宋
蘇軾

粲粲五色羽炎方鳳之徒青黃縞玄服翼衛兩紱朱仁
心知閔農常告雨霽符我窮惟四壁破屋無瞻烏惠然
此粲者來集竹與梧鏘鳴如玉佩意欲相嬉娛寂寞兩
黎生食菜真臞儒小圃散春物野桃陳雪膚舉杯得一

笑見此紅鸞雛高情如飛仙未易握粟呼何為去復來
眷眷豈屬吾回翔天壤間何必懷此都

七言古

附長短句

時樂鳥篇

唐張說

舊傳南海出靈禽時樂名聞不可尋形貌乍同鸚鵡類
精神別稟鳳凰心千年待聖方輕舉萬里呈材無伴侶
紅茸揉繡好毛衣清冷謳鴉好言語內人試取御衣牽
啄手暝聲不許前心願陽鳥恒保日志嫌陰鶴欲凌天

天情翫訝良無已
察圖果見祥經裏
本持符瑞驗明王
還用文章比君子
自憐弱羽詎堪珍
喜共華篇來示人
人見嚶嚶報恩鳥
多慚碌碌具官臣

鷓鴣詞

宋

歐陽修

龍樓鳳閣鬱崢嶸
深宮不聞更漏聲
紅紗蠟燭愁夜短
綠窗鶉鴂催天明
一聲兩聲人漸起
金井轆轤聞汲水
三聲四聲促嚴妝
紅靴玉帶奉君王
萬年枝軟風露濕
上下枝間聲轉急
南衙促仗三衛列
九門放鑰千官入

重城禁籞鎖池臺此鳥飛從何處來君不見潁河東岸

邨陂闊山禽野鳥常嘲啞田家惟聽夏雞聲

鵲鳩京西邨人謂之夏雞

夜

夜鵲頭耕曉月可憐此樂獨吾知眷戀君恩今白髮

禽言

宋

蘇軾

去年麥不熟挾彈規我肉今年麥上場處處有殘粟豐
年無象何處尋聽取林間快活吟

其二

力作力作蠶絲百箔鵲上麥頭昂林間桑子落願儂一

箔千兩絲縑絲得蛹飼爾雛

禽言

元

楊維禎

姑惡姑惡姑不惡妾命苦姑有孝女姑為慈母妾亦甘
為東海婦

倒挂

明

高啟

綠衣小鳳啼愁罷瘦影翻懸桂枝下芙蓉帳裏篆消時
解斂餘香散中夜鐘鼓迢迢鎖禁門宵衣未得奉明恩
五更香冷羅浮月想憶梅花應斷魂

禽言

明

馮惟敏

鳳凰不如我竹實醴泉真瑣瑣何不委形濁世中飛鳴
飲啄無不可鳳凰不如我

其二

得過且過風雨冥冥巢欲墮飽煖當時不自知炎涼此
日方參破得過且過

五言律

白鴿

唐

徐夔

舉翼凌空碧，依人到大邦。
粉翎棲畫閣，雪影拂瓊窗。
振鷺堪為侶，鳴鳩好作雙。
狎鷗歸未得，覩爾憶晴江。

五言排律

學諸進士作精衛銜石填海

唐

韓愈

鳥有償冤者，終年抱寸誠。
口銜山石細，心望海波平。
渺渺功難見，區區命已輕。
人皆譏造次，我獨賞專精。
豈計休無日，惟應盡此生。
何慚刺客傳，不著報讐名。

七言律

恭題皇上所御畫扇鵲鴿葵蘭

明

趙用賢

花鳥芳菲禁苑中
畫圖省識見春風
香飄蘭氣千莖碧
日麗葵心萬朶紅
當暑攜來看皎潔
自天題處轉青蔥
鵲鴿原上休相急
已荷皇仁祝網同

題御扇所畫鵲鴿葵蘭

明

申時行

花萼樓前過鵲鴿
羣飛相逐總含情
非關原上秋聲急
自傍林間淑景鳴
影散瑤階葵日午
音調玉管蕙風清

當時集木稱奇瑞何似儀庭應聖明

桂花芙蓉山雀

明

何洛文

墨華點綴九秋容寶簾看疑御苑逢
金粟半含青桂樹錦雲初燦木芙蓉
芬香宛自清風發豔色彌從滿月濃
更喜雙雙枝上雀輕颺翠羽近飛龍

五言絕句

春懷故園

唐

柳宗元

九扈鳴已晚楚鄉農事春悠悠故池水空待灌園人

青鷁

唐

李羣玉

獨立蒹葭雨低飛浦嶼風須知毛色異莫入鷺鷥叢

湘中

唐

鄭僕射

青鷁苦幽獨隔江相對稀夜寒蘆葉雨空作一聲歸

偶題

唐

蒼頭捧劍

青鳥銜蒲萄飛上金井欄美人恐驚去不敢捲簾看

拖白練

宋

文同

盤石坐深林不欲人求見隔岸誰品絃數聲拖白練

連點七

文同

翩翩彼珍禽金羽耀寒日飛落灘上冰對人連點七

淘河

文同

羣魚見新晴萬鬣戲清泚忽爾下淘河驚飛入水底

舜舉畫棠梨練雀

元程鉅夫

霜暈棠梨臉風梳練雀翎含毫心欲醉開卷眼還醒

春妍帶雪圖

元虞集

玉茗深宮裏春妍帶雪殘可憐五色羽相並不知寒

六言絕句

鶴

宋文同

常惡靜時鳬鷺不驚飽處蝦魚與我閒
正相似問爾樂復何如

七言絕句

朱坡

唐杜牧

煙深苔巷唱樵兒
花落寒輕倦客歸
藤岸竹洲相掩映
滿池春雨鷓鴣飛

和襲美松江早春

唐
陸龜蒙

柳下江餐待好風
暫時還得狎漁翁
一生無事煙波足
惟有沙邊水勃公

龜山寺晚望

唐
張翥

四面湖光絕路歧
鷗鷺飛起暮鐘時
漁舟不用懸帆席
歸去乘風插柳枝

出郊雜詠

宋
王炎

道上東風掠面輕
一犁雨足得新晴
草頭蛺蝶自由舞

林下鷓鴣相對鳴

冬日田園雜興

宋 范成大

斜日低山片月高
睡餘行藥繞江郊
霜風掃盡千林葉
閒倚筇枝數鵲巢

自晨至午起居飲食皆以牆外人物之聲為節

戲書四絕

錄一

范成大

巷南敲板報殘更
街北彈絲行誦經
已被兩人驚夢斷
誰家風鶴鬪鳴鈴

宮詞

宋 花藥夫人

安排竹柵與芭籬養得新生鶉鴿兒
宣受內家專喂飼
花毛閒看總皆知

東家四時詞

元 虞集

賀雪宮門上表歸貂裘猶帶六花飛
海南新送收香鳥
轉覺清寒入翠幃

題十二紅卷子

元 楊載

碧桃枝上有珍禽調舌交交送好音
畫出江南春意思

明年攜酒共追尋

牡丹鵓鴿圖

元朱德潤

深院朱闌覆錦裯
百花開盡牡丹春
粉毛雙鴿多馴狎
對浴金盆不避人

蓼花雪姑圖

元陳基

紅蓼花開水滿洲
西風吹夢總成秋
銜泥不及三春燕
兩兩巢君翡翠樓

小遊仙詞

元楊維禎

金鷲藥生瑤水陰錦駝鳥鳴珠樹林上皇勅賜龍色酒
天樂五雲流玉音

漫興

楊維禎

南鄰酒伴辱相呼共訪城東舊酒壚柳下秋千閒絡索
花間喚起勸胡盧

水墨四香畫

楊維禎

玉龍聲嘶五更了綠衣倒挂樽桑曉道人衝寒酒未醒
梨花零落春雲小

雜題

元王逢

洄塘昨夜綠波增
偶策交州鬼面藤
一雨百花香洗盡
流春砒上立魚鷹

吐綬鳥

元鄭允端

庭院春深護薄寒
山禽飛下玉闌干
胸中錦繡無人識
閒向東風自吐看

湖上

明王寵

星橋北挂瀉春流
映出黃山水面浮
霞石天青飛練鵲

桃花氣暖醉輕鷗

題畫為李宮詹子蕃

明黎民表

武帝清齋太乙宮上林無處不春風遙知絳節隨王母

畫為飛來御苑中

山水圖

明僧宗泐

綠水青山茂苑西荷花開遍越來谿漁郎蕩漾灣頭去
五月深林謝豹啼

御定佩文齋詠物詩選卷四百六十七



總校官庶吉士臣侍朝

校對官檢討臣王坦修

謄錄監生臣王肯勵